

四庫筆記小說叢書

玉芝堂談薈

上海古籍出版社

四庫筆記小說叢書

玉芝堂談薈

(明)徐應秋撰

上海古籍出版社

滬新登字109號

四庫筆記小說叢書

玉芝堂談薈

(明)徐應秋撰

上海古籍出版社出版

(上海瑞金二路272號)

新华书店上海發行所發行 上海古籍印刷廠印刷

開本787×1092 1/32 印張27.875 插頁4

1993年7月第1版 1993年7月第1次印刷

印數：00001—800

ISBN 7-5325-1560-5

Z·231 定價：25.40元

欽定四庫全書

子部

玉芝堂談薈卷一

詳校官典籍臣潘奕雋

員外郎臣牛稔文覆勘

總校官進士臣繆琪

校對官典籍臣劉景岳

謄錄監生臣徐敷

欽定四庫全書

子部十

玉芝堂談薈

雜家類五 雜著之屬

提要

欽定四庫全書

玉芝堂談薈

臣等謹案玉芝堂談薈三十六卷明徐應秋撰應秋字君義浙江西安人萬曆丙辰進士歷官福建左布政使是書亦考證之學而省博愛奇不免兼及瑣屑之事其創立一標題為綱而備引諸書以證之大抵採自小說稗記者多應秋自序有曰未及典謨垂世之經奇止輯史傳解頤之雋永名之談薈竊附說鈴其宗主固在于識小也然其摭摭既廣則兼收並蓄不主一途軼事舊聞往往而在故考證掌故訂正名物者亦錯出其間披沙揀金集腋成裘其博洽之功頗足以抵冗穢之過在讀者別擇之而已昔李昉修太平廣記陶宗儀輯說郛其中迂怪居多而皆以取材

宏富足資採擇遂流傳不廢應秋此編雖體
例與二書小別而大端相近至來集之之燕
書全仿應秋而作然有其蕪漫而博瞻則不
及故置彼取此焉乾隆四十三年六月恭校
上

總纂官臣紀昀臣陸錫熊臣孫士毅

總校官臣陸費墀

欽定四庫全書

五芝堂詩書

二

五芝堂詩書原序

五芝主人無他嗜好喜讀未見之書雅慕博綜樂稱布
有之事自知鉛槧日暱縹緗洵通籍于金閨暨服官於
銀艾青錢頻握黃妳彌親游轍環周笥多收於秘本無
膏展誦目頗涉夫羣編譬觀龍宮海若之藏吁其駭腸
擬登玄圃層城之峻曠矣奇觀因嘆杳莽千齡造物常
恣儉投浩穰六合幻化莫可端倪舉尋常意想之所未
經多古今載籍之所已備惜學人少見而多怪致佳牒
似誕而疑誣用是自同脈望時問弘成衍濟之珠軌命
隄靡錄置茂先陽廬之紙于蘭渚玉投石以收林邑飛
金望蠻斯採既竭結鄰之潘宛萃吉光之裘過境探琛
將羊斟于九館涉川搜秘絕寶母于重淵同事則連類
以都膚互載亦綴芳於不律大都標神道之妖祥記山
川之靈怪求人事之卓異著物性之瑰奇金壺灑墨傾
說苑于虞初鹿革開囊暢言臬于稷下照廡遍徵夫結
緣秦龍惟取於空青疑然犀以走百靈幾化齒而為五

色用供爇燔稍破拘墟未及典謨垂世之經奇止輯史傳解頤之雋永名之談薈竊附說鈴赤虹化為黃玉識緯故不廢于聖門金簡授自玄夷山海每多書乎異物恐成駭俗聊代解嘲世有弘覽之通人堪佐雜俎之別種云爾徐應秋序

欽定四庫全書

玉芝堂談薈
原序

二

欽定四庫全書

玉芝堂談薈卷一

明 徐應秋 撰

帝王誕生瑞徵

史傳中所記誕聖瑞徵偶錄其尤異者詩含神霧大跡出雷澤華胥履之生宓戲胎遺記神母遊華胥之洲青雲繞神母即覺有娠歷十一年而生庖犧帝王世紀女登為少典妃有神人龍首感女登于尚羊生炎帝神農

欽定四庫全書

玉芝堂談薈
卷一

二

河圖握拒附寶之郊野大電光統北斗樞星照于郊野感附寶二十四月而生軒轅子壽丘紫氣充房春秋元命苞大星如虹下流華渚女節意感生白帝朱宣少昊氏河圖著命瑤光之星如虹貫月正白感女樞于幽房之宮生黑帝顓頊春秋合誠圖堯母慶都生于斗維之野天大雷電有血光潤大石之中生慶都年二十寄伊長孺家有赤龍負圖與慶都婚孕十四月而生堯于丹陵帝王世紀瞽瞍妻曰握登見大虹意感而生舜于姚

墟河圖注握登見大虹意感生黃帝謂舜以上王也修已山行見流星貫昴又吞神珠薏苡胸拆而生禹于石紐開山圖女狄于石紐山下泉中得月精如鷄子愛而吞之孕十四月生夏禹宋符瑞志簡狄浴于玄丘之水玄鳥銜卵而墜取覆以玉筐吞之遂孕胸剖而生契又曰簡狄游于桑野黑鳥遺卵有五色文作八百字覆以瑤筐朱紱夢神女曰生聖子以繼金德懷卵一年而孕經十四年而生契河圖扶都見白氣貫月感生黑帝湯又云感黑龍而成宋志漢高帝父曰劉執嘉執嘉之母夢赤鳥若龍戲已而生執嘉母名含始曰昭靈后昭靈后游于洛池有玉鷄銜赤珠刻曰玉英吞之又寢大澤之陂與龍遇生漢高帝漢武內傳景帝見崇芳閣赤龍盤棟又王夫人夢日入懷生武帝金樓子光武父欽為濟陽令有赤光照室影如五麟七鳳而生光武中興書晉元帝初誕有神光之異一室盡明所籍崇如刈宋符瑞志宋武帝始生有神光照室魏道武母賀氏夢日出

室內寤見日光自牖屬天有感而生武帝魏孝文母李夫人生帝于平城紫宮神光照于室內梁書梁武帝母張氏忽見菖蒲生花光彩非常吞之產高祖隋紀隋高祖生時紫氣充庭狀如樓閣色染人衣忽見頭上角出偏體鱗起唐書唐高祖生時紫氣充庭神光照室太宗在孕語聲達于外生時慶雲瀾湯數里上屬于天二龍戲于門外水中三日乃冲天而去唐莊宗誕日紫氣出于庭戶宋書宋太祖母杜氏夢日入懷而孕生洛陽夾馬營赤光繞室胞如菡萏金色三日不變異香經宿不散真宗生赤光照室左足指有文成天字仁宗降誕章懿太后榻下生靈芝一本四十二葉應享國四十二年之瑞母夢羽衣之士從空而下來為已子及生宮中火光燭天英宗生赤光滿室或見黃龍游光中神宗生羣鼠吐五色氣成雲孝宗母夢府君擁一赤羊來曰以此為識生于秀州紅光滿室如日正中度宗母孕時女醫治樂嘉之見有金龍于上懼不敢煮皇明啟運錄我大

欽定四庫全書

五
五
五

四

祖高皇帝母陳太后夢一朱衣神僊集如九奕奕有光
吞之既覺異香襲體遂娠焉及誕生于盱眙之紅廟遠
近見火光燭天隣近二郎廟夜徙一百二十步水次紅
苔如線泛水如練丹彩可挹異香經宿不散若夢兆開
先則漢薄后夢蒼龍據腹而生孝文帝李后夢兩龍枕
膝日月入懷而生孝武漢王夢龍與日俱墮衣上而生
英宗黃妃夢神人采衣以一龍納懷中而生度宗魏宣
武高后夢日化龍繞身數匝而生文帝北齊神武婁后
孕大梟則夢一斷龍孕文宣則夢大龍首尾屬天地孕
孝昭則夢螭龍于地孕武成則夢龍入于海南齊陳后
夢龍據屋上而生武帝孫堅母夢腸繞吳門而生孫堅
北齊后主母胡氏夢于海上坐玉盆日入裙下遂生後
主宋理宗父榮王夢紫衣金帽神人來謁而產理宗元
太祖之十世祖勃端察爾母阿倫郭幹寨居夜夢白光
自天窗中入化為金色神人趨卧榻有孕遂生勃端察
爾遼聖宗皇后蕭氏夢金柱擎天后與隨從皆升久之

入宮又夢拂承天太后榻獲金雞吞之光澤勝常已而
生興宗天地神人之主所關非細有開必先千古同符
矣

欽定四庫全書

五
五
五

五

揮塵錄開元十七年秋八月上降誕之日大置酒合
樂宴百僚于花萼樓百官上表願以八月五日為千
秋節誕日建節蓋肇于此天寶七載改為天長節其
后肅宗以九月三日生為地平天成節玄宗以十月
十日生為慶成節武宗六月十二日生為慶陽節懿
宗十月二日生為延慶節僖宗八月五日生為應天
節昭宗二月二十二日生為嘉會節宋帝十月三日
生為延和節梁太祖十一月二十一日生為大明節末
帝九月十二日生為明聖節後唐明宗九月九日生
為應聖節晉高祖二月二十八日生為天和節出帝
六月二十七日生為啟聖節後漢高祖二月四日生
為聖壽節隱帝三月七日生為嘉慶節周太祖七月
二十八日生為永壽節世宗九月二十四日生為天

一日九里玉皇君詣波梨天奏九地學仙得道人名于
四天王又二殿楚江王曹生初二日玉皇誕初三日北
極玄天真武上帝誕南無唐西來僧大聖觀世音示現
初五日南斗天蓬下降初六日南無清淨海東山月面
吉祥觀世音菩薩示現初八日八殿閻君變成玉石誕
十三日南無天香山妙香觀世音菩薩示現十五日玉
晨道君登玉霄琳房四盼天下元始天尊游玉京元陽
觀會三界神仙真真聖說法十九日南斗星君降廿七
日七殿泰山王畢誕廿八日東嶽泰山誕四月初一日
南方七宿下降初二日太虛元君生初三日北斗北極
翼聖下降初四日文殊生初七日南斗北斗西斗降生
初八日釋迦佛生十五日呂純陽下生十八日碧霞元
君生廿一日普賢菩薩生南無廣月寺宮中千手千眼
觀世音菩薩示現廿八日藥王佛生五月初三日北極
下降南無天竺藏王慶信觀世音菩薩示現初四日孔
子誕十三日武安王生十七日南無晶日宮中八難觀

世音菩薩示現廿二日中明王生廿五日太平真君升
仙六月初四日南瞻部洲轉大法輪初七日瑤華帝君
生初十日金粟如來生十五日佛囉神生十六日南無
寶陀山大悲救苦救難觀世音菩薩示現十八日南無
西十洋海中慶一十二面觀世音菩薩示現十九日南
無清淨庵主白衣滿願觀世音菩薩示現廿三日南無
清淨寶海慶音觀世音菩薩示現廿四日九天應元雷
聲普化天尊誕廿六日二郎神誕廿九日九華真妃降
七月十三日南無廣慶倖願觀世音菩薩示現大勢至
菩薩生十八日太真西王母誕生十九日力吉祥國聖
母化生賢劫千佛廿四日龍樹王生廿五日景佑真君
生三十日地藏王菩薩生八月初三日北斗降寃神誕
十七日太白長庚降十八日四海龍王神會之日廿一
日燃燈佛生廿六日南極老人降廿七日諸佛慶會東
海九月初一日太上老君于玉天壇房金闕上宮校集
靈篇初三日九皇上帝君詣答起天陳奏九地得仙名

欽定四庫全書

五經全書

十

初九日北極真武玄天上帝成道於武當山十五日南
贍部洲救度衆生十八日北斗星降十九日日月宮會
合諸天列宿上朝無始北斗大帝降廿三日南無華嚴
海衆觀世音菩薩示現廿五日長生大帝降三十日琉
璃光佛生十月初二日南無妙吉祥林中海月觀世音
菩薩誕初三日三茅真君誕初五日達摩祖師誕初八
日火德星君誕初十日西王母降十五日九江水府帝
君十五河源溪谷大神與陽谷神王水府靈官同降人
間定校人生善惡罪福十八日五百阿羅漢會廿七日
北極紫微星降十一月初一日葛仙翁受太上三天金
簡策書初三日太上玉高大道君登玉霄琳房四盼天
下初九日南斗東斗星降十一日太乙救苦天尊誕十
三日海空智藏天尊降十七日西方妙善阿彌陀佛生
十九日日先天子生諸天華嚴菩薩出世文殊菩薩出
世南無清涼寶山自在觀世音菩薩示現廿三日南斗
六司星君奏錄生籍之辰廿六日妙果天尊降十二月

欽定四庫全書

五經全書

十一

帝王符命

初一日八仙聚會蓬萊之辰初三日北斗星降初四日
九壘玉皇君詣答超天奏仙名十二日玉晨道君登玉
霄琳房四顧天下十五日西斗星君降廿三日五嶽神
君下降人間廿五日玉皇下降廿八日老君化衆降伏
九十六種邪魔二十九日華嚴菩薩降下生

帝王之興必有符命或告治平之徵或彰改玉之應以
至正位坤靈崛起偏霸亦皆有異兆焉十八姓紀蒼帝
生而能書受河圖綠字大庭氏三辰增輝五鳳異色新
書黃帝時大震三日帝游洛水上見大魚天甚雨七日
魚流而得圖書龍魚河圖天授帝號黃龍負圖鱗甲光
耀從河出黃帝命侍臣寫以示天下河圖提輔佐黃帝
抑齊七日七夜天老皆從以迎河洛之書至翠瀉之泉
大鱸魚所流至蘭葉朱文五色畢見沈白圖以授帝黃
帝錄黃帝生玄扈洛水鳳皇銜圖至帝前以黃玉為押
尸子黃帝時長庚輝日五色山金鳴澤銅出尚書中候

帝堯修壇榮光塞河龍馬銜甲赤文綠色臨壇吐甲有
文言虞夏商周秦漢之事野王符瑞志黃帝東巡省河
過洛龍負圖出赤文綠字以授帝又黃帝時南蠻乘白
鹿來獻屯春秋元命苞堯游河渚赤龍負圖論語識堯
率舜等游首山有五老游河因飛為流星上入昴運斗
樞舜與諸侯觀于河洛黃龍負圖瑞應圖堯坐河渚神
龍赤色負圖而至備載山澤河海之形國土分域虞舜
時黃龍從洛水出詣舜鱗甲成字舜與三公觀于河黃

欽定四庫全書

卷一百一十五

三

龍五采負圖出舜前舜耕歷山得玉歷于河巖又漁于
雷澤得玉脾浮水其文曰受而禪惟汝彥帝王世紀舜
夢眉長與篋等道學傳禹北見六子獲玉匱之書以從
事受黑書于臨洮得綠字于濁水吳越春秋禹登衡山
夢赤綉文衣男子稱元衣蒼水使者謂禹曰欲得我山
書者齋于黃帝之嶽禹乃退齋三日登宛委發石得金
簡玉字之書尚書中候禹治洪水觀于河見白而長人
魚身出曰吾河精也授禹河圖而還于淵白孔六帖湯

觀洛有黃魚化為黑玉又有黑龜赤文成字有神牽白
狼銜鉤而入朝墨子赤烏銜珪降周之岐社瑞應圖赤
烏武王時銜殺至屋上兵不血刃而殷服武王伐紂牧
堅探高鳥之巢得玉璽文曰水德將滅木祚方盛文王
有赤雀銜書止于戶又有鳳凰銜書武王伐紂度孟津
白魚入舟腹下有赤文成字言紂可伐中侯武王觀于
河沈璧禮畢青龍臨壇銜元甲之圖吐之而去宋書周
公攝政與成王觀于洛玄龜青龍蒼先止于壇背甲刻

欽定四庫全書

卷一百一十五

三

書赤文成字周公授筆以世文寫之書成文消龜墮甲
而去漢高祖有五星聚井神母夜號以彭赤帝之符其
所居上有氣成龍文五彩金樓子孔子夜夢三槐之間
豐沛之邦有赤廳起呼顏回子夏往觀之見赤虹化為
黃金上有文曰卯金刀應高祖起豐沛塵談沛公始為
亭長夢逐一羊拔角尾皆落占曰羊無角尾王也晉元
帝時三雀共登一雄雞背三八安東廳占者以為當三
進爵為天子李宣有太山大石起立上林枯柳生枝其

葉成文曰公孫病已立梁武帝為兒能蹈空而行時頂有浮光身映日無影所住齋常有氣五色回轉狀若盤龍季秋出九日臺暴風起烟塵所居獨紫氣騰起形如繖蓋唐高祖龍潛洛郊曾踐石軌迹見于石中又高陵縣有神堯先世莊田高祖襁褓時母置放柏樹之陰而住餉田比餉回日斜而樹影不移太宗舉義師日所居有紫雲居內天俄變為五色狀如飛龍宋武少臥酒家人見一物五采如蛟龍又行止時見二小龍附翼武德末太宗平內難有龜游于蓮葉之上取之化為白石瑩潔如玉唐中宗廢居房陵仰天而嘆因拋一石子空中曰我後帝此石不落其石遂為樹枝貫掛齊高帝身上黃紫氣屬天北齊高歡夢履衆星而行南史齊世祖夢人從天飛下頭插筆來畫上衣兩邊陳書陳高祖夜夢天開數丈有四人朱衣捧日而至高祖開口納馬及覺腹中猶熱南齊書太祖夢乘青龍逐日西行世祖夢著桑履行太極殿階陛上度溫曰履者運應木也桑字四

十二點世祖年過此即帝位又常夢鳳凰從天飛下齋前兩翅相去十餘丈翼下有紫雲氣卽府元龜唐肅宗初生含元殿則天子殿內造佛像及長閑觀其側玉像忽言嗣後當為天子酉陽雜俎肅宗為其王時寢齋壁上蠅迹成天字上懼遽掃之經數日如初玄宗臨潞州景龍二年廳上假寐宋大辨等同見赤龍據案中宗將祀南郊玄宗來京師使術士韓禮筮之一著子然獨立禮驚曰著立奇瑞非常之事也北夢瑣言唐僖宗幸蜀張恣子神自廟出十餘里列仗迎駕白霧之中騎驎見其形因解劍佩賜之又後唐太祖善騎射曾于新城北酌酒于昆沙天王聖像請與交談天王被甲持矛隱隱出于壁間所居帳內時有火聚或有龍形後唐明宗微時隨蕃將巡邊宿于廐門逆旅極方娠帝至不時具食腹中兒語謂母曰天子至速具食聲聞於外懿宗初封鄆王郭淑妃見黃龍出人臥內釣磯立談義祖夢臨大水黃龍無數義祖袒身而入取一龍出未幾掠得烈祖

養以為子南唐近事烈祖晝寢夢一黃龍繞殿鱗甲灼然既寤使視前殿時元宗方為齋王凭檻而立達正儲位郭祖微時與馮暉同里有道士善劊青因令刺之郭子項右刺作雀左作螭果馮以臍作甕中作鴈數隻戒曰爾曹各于項臍自愛雀銜鴈出甕即亨顯之時也郭祖乘虎之後雀銜相近登位之後雀遂銜鴈乘龍鴈自甕中繫繫而出周太祖微時嘗晝寢有如小虺五色出入額鼻之間一夕在亭院齋忽有黃氣起于前緣

欽定四庫全書

五芝堂藏書

六

繞而上逮際于天太祖于黃氣中仰見星文紫微星星爛然在目密告知星者曰坐見天衢物不能隔至貴之祥也又于署衙中有紫氣起于幡竿之上宋太祖微時夜臥內常有光如車輪內見黃龍若出波浪中出沒魚鱗之類不可勝數皆作金色光芒刺目宋神宗居震邸一日晝憩便寢有紫氣自鼻中出盤旋如香篆剪勝野聞我太祖在滌濯手于栢子潭有五蛇擾而就之一日戰畢蛇在其側帝以兜參掩之及戰手刃甚衆軍法戰

畢必祭中冓甬真而霽霜大震白龍自兜參中騰空去諸將自此畏服西京雜記元后在家常有白燕銜白石大如指墜續篋中后取之石自剖其文曰母天地后乃合之遂復還合魏志甄皇后生每寢家中人竊婦見如有人持玉衣覆其上者晉成帝杜皇后長猶無齒帝納采之日一夜齒盡生五代史補齊高昭劉皇后生時赤光滿室寢臥見有羽蓋陰其上魏宣武靈皇后產時赤光四照永平中馬貴人夢小飛虫萬數隨著身入皮膚

欽定四庫全書

五芝堂藏書

七

中復出數日立為后高宗皇后吳氏父吳近常夢至一亭曰侍康旁植芍藥獨放一花花下白羊一隻后以乙未生高宗為康王時選入宮侍康之微也宋慈聖太后少時約婚京兆李植娶迎入門見鬼神千萬在前驚走避之后即時還家俄選為后光獻太后在父母家時與羣女共為燃錢之戲后一錢輒獨旋轉盤中凡三日方正謝皇后生而鬚黑翳一目會元夕有鵲巢燈山衆以為后妃之祥忽病疹膚皴瑩白如玉及醫去目翳達為

理宗后又唐清泰帝晉高祖婦兄也明宗時為太原帥因擊虜同入趙襄子廟但見土偶避位而立五代史補揚行密常為河肥縣手力有過縣令將鞭之行密懼且拜有客自外入見行密每拜則應之前簷皆扣地而令不覺客遽以所見告令遂恕之唐年譜王庭湊為留後野西有飛龍山神庭湊住祭之見一人被衣冠折腰于庭及入廟神乃側坐北夢瑣言唐僖宗播遷蜀中蜀先王建為禁軍都頭與其儕于僧院擲骰子六隻次第相

欽定四庫全書

五經全書

六

重自么至六人共駭之

帝王瑞應

在昔龍馬負圖出于河而羲皇立神龜載書出于洛而禹嚳敘騶牙見而遠方歸義野象來而廣南連平驚驚鳴岐占舊邦之新命胸臆出土符江東之合王太嶺既兆土精赤鳥亦符火德國之將興必有禎祥其彰彰者也考諸書所記瑞應之物帝王德澤所感以類應之如天鹿者神靈之獸也五色光耀洞明王者道備則至周

印者神獸之名也星宿之變化王者德盛則至白虎者仁獸也一名騶牙虎而白色身縞如雪王者仁而不害則見孫柔之瑞應圖王者不暴虐及行葦則見一曰王者德至禽獸澤洞幽冥則見角端者日行萬八千里又曉四裔之語明君聖主在位明達方外幽遠之事則奉書而至神靈滋液百寶為用則白象至赤熊見王者自養有道則白象負不死藥來獻者幽隱之獸也有明王在位則來為時辟災除害銀鹿王者刑罰得中民不為非則至芝英者王者親近耆老養之有道則生君乘木而王其政昇平則福草生王者德至于地則華平盛王者之德及草木則有萐莆一名倚扇狀如蓬大枝葉小根根如絲轉而成風故蠅有屈軼佞人入則指之有平露如葢其國不平則隨方而傾華平者其枝正平德剛則仰德弱則俯君乘金而王其政訟平芳桂常生君乘土而王其地太平萐莆紫脫常生王者有禮則藏龜生王者禮備則威者生有聖人之德則朱草生王者宗廟修

欽定四庫全書

五經全書

七

則巨宅三陽之未生王者有德而天下平世樂之鳥見三才得所三角之獸至孝至于幽遠比翼之鳥至鰥寡無索比肩之獸至道成則鵲巢至獄訟平則獬豸至能用則龍馬至能致太平則黑狐至道純則白鹿至德盛則赤兔至貴人賤馬而白馬朱鬣至德及幽隱而雙魚白澤至妾媵有制白燕巢政惠不苛白虎至刑罰得中銀麋馴律鍾和調玉羊見德達深淵則黃龍應氣而游德至鳥獸白鳥下王者有盛德則金人游後池王者

欽定四庫全書

五之金匱書

十

至孝則金車出王者宴不及醉刑罰中人不為非則銀甕出德至於山陵則出黑丹王者不貴難得之物則鷄駉犀見神靈滋百寶用則璣鏡出王乘金而王則黃銀見王者不藏金玉則黃銀紫玉見王者不隱過則璧流離見水泉流通四海會同則玄圭出王者孝道行則延禧出王者清明篤賢則玉馬出玉鸞王者至孝則至五常並修則玉英見玉甕者不汲而滿王者清廉則出然亦有不驗出不以時者魏文帝受禪郡國奏白虎二

十七見元帝即位鳳凰見郡國者五十餘處章帝末鳳凰一百四十九見石虎即位郡國獻蒼麟十二以駕法車為治平之應耶為衰亂之徵耶又肅宗上元二年延英殿御坐梁上生玉芝一莖三花上製玉靈芝詩而是歲玄宗肅宗俱崩代宗即位華州至陝西黃河清徹三百餘里而是歲吐蕃犯京師大駕幸快水泰二年六月丁未日重輪其夕月重輪太廟二室芝草生十一月獲赤兔而洛水泛溢大為民害災祥固無足憑矣

欽定四庫全書

五之金匱書

十一

歷代世紀

黃帝元年丁巳至庚申癸酉共四百九十七年夏禹元年甲戌至帝桀五十二年甲午十一世共四百五十六年商湯元年乙未至帝紂三十二年己卯二十八世六百四十五年周武王元年己卯至報王五十九年己巳三十六世共八百六十七年秦昭襄王乙巳至二世甲午共五十年自乙未迄戊戌楚漢分爭天下無統者四年前漢十二帝內呂氏八年王莽十八年後漢十二帝至曹